

ОЙ МАВЗУСИ: “ТРАНСПОРТ. ЙЎЛ ҲАРАКАТИ ҚОИДАЛАРИ. ҲАЁТ ХАВФСИЗЛИГИ АСОСЛАРИ”

Гуруҳ		Тайёрлов					
Мавзу		Фавқулотда вазиятлар хизматлари					
Муддати		Ноябрь ойининг 3-хафтаси					
Ривожланиш соҳаларига оид мақсадлар	Жисмоний ривожланиш ва соғлом турмуш тарзининг шаклланиши	Чакқонлик, фазода мўлжал олиш, диққат, чидамлилиқ, тез ҳаракат қилиш малакаларини ривожлантириш					
	Ижтимоий-ҳиссий ривожланиш	Жасорат ҳисси, тартиблилик, ғалабага интилиш ва иродали бўлиш каби фазилатларни шакллантириш					
	Нутқ, мулоқот, ўқиш ва ёзиш малакалари	Кундалиқ ҳаётда болаларнинг шахсий хавфсизлик ҳақидаги билимларини кенгайтириш ва ривожлантириш. Тез ёрдам хизматларининг телефон рақамларини ўрганиш.					
	Билиш жараёнининг ривожланиши	Болаларда фавқулотда ҳолатларда ўзини тутиш қўникмаларини шакллантириш. Хавф келтириб чиқариши мумкин бўлган предметлар ҳақидаги билимларни мустаҳкамлаш.					
	Ижодий ривожланиш	Ҳамкорликдаги фаолиятга ижобий муносабатни шакллантириш, ритмни сезиш, мусиқани ҳис этишни тарбиялаш					
Ривожланиш марказлари		Таълимий-тарбиявий фаолият					
		Душанба	Сешанба	Чоршанба	Пайшанба	Жума	Ресурслар ва иловалар
Эркин фаолият	Қуриш, конструкциялаш ва математика	Ўт ўчириш машинасини йиғамиз		Милиция машинасини йиғамиз			Конструктор, коробка, қўл остидаги материаллар
	Сюжетли-ролли ўйинлар ва сахналаштириш	“Биз қутқарувчилармиз” сюжетли-ролли ўйин		Тез ёрдам шифокори			Атрибут, ниқоблар
	Тил, нутқ ва саводхонликка ўргатиш	“Хавфли буюмлар” таълимий ўйини		“Йўл ҳаракати қоидалари” серияли расмлар асосида ҳикоя тузиш	Оловнинг хусусиятлари-нимаси фойда нимаси зарар		Китоб, таълимий ўйин, мавзуга оид расмлар
	Фан ва табиат	Сув ва қум хусусиятлари – ўт ўчирувчиларнинг ёрдамчилари					Сув, қум, ўсимликлар
	Санъат	Менинг қахрамоним		Ёрдамчи машиналар	Лой иши		
	Умумий гуруҳ бўлиб ишлаш						

НОЯБРЬ. УЧИНЧИ ҲАФТА ФАВҚУЛОДДА ВАЗИЯТЛАР ХИЗМАТЛАРИ

Сюжетли-ролли ўйин ва сахналаштириш маркази

“Биз кутқарувчилармиз” сюжетли-ролли ўйини

Мақсад: болалар хавфли вазиятлар ва кутқарув хизмати иши ҳақида илк билим ва тасаввурга эга бўладилар.

Керакли жиҳоз ва материаллар: ниқоблар, руль, машиналар, костюмлар; фуражкалар, мавзу юзасидан турли вазиятли иллюстрациялар.

Фаолиятнинг бориши:

1. Мавзу юзасидан сюжетли расмларни кўриш
2. Ролларни тақсимлаш ва турли вазиятларни сахналаштириш.
3. Тезкор чақирув телефонларидан фойдаланиш.
4. Ўйин, муҳокама ва болаларни рағбатлантириш.

Қўшимча: бадиий сўз билан тўлдириш.

Эътиборга молик жиҳати: луғатни бойитиш, ижодий қобилиятни ривожлантириш, ҳаёт хавфсизлиги асослари

Тил, нутқ ва саводхонликка ўргатиш маркази

“Хавфли буюмлар” таълимий ўйини

Мақсад: болалар турмушдаги хавфли буюмлар: электр асбоблар, газ плитаси, гугурт ҳақида дастлабки тушунчаларга эга бўладилар, айрим асбобларнинг болалар учун хавфли томонларини тушуниб оладилар.

Керакли жиҳоз ва материаллар: мавзу бўйича иллюстрациялар, плакатлар, хавфли предметлар ва тезкор хизмат рақамлари кўрсатилган пешлавҳа.

1. Фаолиятнинг бориши.
2. Сюжетли расм ва плакатларни кузатиш.
3. Расмлар бўйича таянч сўзларни айтиш.
4. Расмдаги вазиятларни тавсифлаш.
5. Мос рақамли пешлавҳани топиш, ундаги тезкор хизматнинг рақамини айтиш.
6. Болалар ишининг муҳокамаси, рағбатлантириш.

Қўшимча: бадиий адабиёт намуналари билан танишиш.

Этиборга молик жиҳат: қисқа гаплардан иборат хикоя туза олиш, ижодий қобилиятларни ривожлантириш, ҳаёт хавфсизлиги асослари.

Фан ва табиат маркази

Сув ва қум хусусиятлари – ўт ўчирувчиларнинг ёрдамчилари

Мақсад: болалар сув ва қумнинг айрим хусусиятлари ва нам қумнинг ўзгача хусусиятлари билан танишадилар, сувдан фойдаланишни билиш, сув билан тажриба ўтказиш, ўт ўчирувчилар фаолиятида сувнинг аҳамиятини билишга ҳаракат қиладилар.

Керакли жиҳоз ва материаллар: сув, қум, шам, гурурт, мавзуга оид иллюстрациялар.

Фаолиятнинг бориши:

1. Сув ва қумнинг хусусиятларини ёнғиндан қутқариш воситаси сифатида танишиш.
2. Амалий тажриба: оловни ўчириш (ёнган шамни сув ва қум ёрдамида ўчириш). (амалий иш тарбиячи раҳбарлигида олиб борилади).

3. Тажриба якунини хулосалаш.

Қўшимча: расмлардан “кислородсиз олов” тажрибасини (кислород келишини тўхтатиш йўли билан оловни ўчириш) кузатиш.

Эътиборга молик жиҳат: амалий тажриба ўтказиш жараёнида ҳаёт хавфсизлиги қоидаларига амал қилиш.

Қуриш, конструкциялаш ва математика маркази

Ўт ўчириш машинасини йиғамиз

Мақсад: болалар легонинг доначаларини турли хилда жойлаштириш орқали ўт ўчириш машинасини йиға оладилар, ўт ўчириш машинасини бошқа машиналардан фарқини биладилар, машинани баланд, қулай қуришга ҳаракат қиладилар.

Керакли жиҳоз ва материаллар: ўз вазифасини бажараётган ўт ўчириш машиналари тасвирланган расм, АКТ, хужжатли фильм диски, ўйинчоқ ўт ўчириш машинаси.

Фаолиятнинг бориши:

1. АКТ орқали болалар ўт ўчириш машинасининг фаолиятини томоша қилиш.
2. Кўрилган слайдлар, хужжатли фильм ҳақида қисқача суҳбат.
3. Лего доначаларидан ўт ўчириш машинасини ясаш жараёни.
4. Болаларнинг ўз ишларининг тақдимотини қилишлари ва рағбатлантириш.

Қўшимча: ўзлари йиққан машиналар билан ўйин ташкил этиш таклифини бериш.

Эътиборга молик жиҳати: болаларнинг жамоада ишлаши, ҳаёт хавфсизлиги асослари.

Санъат маркази

Менинг қаҳрамоним

Мақсад: болалар ўзлари қаҳрамон деб билган образларини расм орқали яратишга ҳаракат қиладилар, тоза ишлашга, татиб билан чизишга ўргандилар, дўстларининг ютуқларидан хурсанд бўладилар, мўйқалам билан ишлаш малакаларини ривожлантирадилар.

Керакли жиҳоз ва материаллар: оқ қоғоз, рангли бўёқ ва мўйқалам, салфетка, эртақ ва мультфильм қаҳрамонлари тасвирланган расмлар.

Фаолиятнинг бориши:

1. Эртақ ва мультфильм қаҳрамонлари тасвирланган расмларни томоша қилиш.
2. Иш столига керакли жиҳозларни тайёрлаш.
3. Қаҳрамонларнинг бирини танлаш ёки ҳаёлий қаҳрамон расмини чизиш.
4. Болалар ишлари натижаларини муҳокама қилиш.

Қўшимча: тарбиячи чизилган расмлар асосида шеър ёки ашула айтиб беришни, ёки мультфильм кўришни таклиф қилиши мумкин.

Эътиборга молик жиҳати: озода ва гигиеник талабларга риоя этиб ишлаш кўникмасининг ривожланиш. Дўстининг меҳнатини ҳурмат қилиш. Тасаввур, боғланишли нутқ ва майда моториканинг ривожланиши.

1. Ҳаёт хавфсизлиги асослари.

Қуриш, конструкциялаш ва математика маркази

Милиция машинасини ясаймиз

Мақсад: болалар мавжуд пазл, леголардан машина шаклини ясай оладилар ва унга айнан милиция машинасига ўхшатиш учун керакли белгиларни ёпиштиришга ҳаракат қиладилар, ушбу машинанинг вазифаси ҳақида биладилар, машинани ясашда керак бўлган лего доначаларининг

сони, кимнинг машинаси катта, баланд, унга доначалар кўп кетганми, кам кетганлигини аниқлашни ўрганадилар.

Керакли жиҳоз ва материаллар: турли шаклли бўлақлардан иборат бўлган лего ва пазл, ёзувли белгилар, АКТ.

Фаолиятнинг бориши:

1. АКТ орқали болаларга шаҳар кўчаларида хизмат вазифасини ўтаётган милиция машиналарини томоша қилиш.
2. Қўрилган расмлар ҳақида қисқача суҳбат.
3. Берилган лего ва пазллардан милиция машинасини йиғиш жараёни.
4. Тайёр машиналарга белгилар қўйиш.
5. Болалар ишини муҳокама қилиш ва рағбатлантириш.

Қўшимча: ўзлари йиғган машиналари билан суратга тушиш ва улар билан ўйнашни таклиф этиш..

Эътиборга молик жиҳати: болаларнинг жамоада ишлаши, ҳаёт хавфсизлиги асослари.

Сюжетли-ролли ўйин ва сахналаштириш маркази

“Тез ёрдам шифокори” сюжетли-ролли ўйини

Мақсад: болаларда бошқаларга нисбатан ғамхўрлик хисси тарбияланади, нутқ ривожланади, хавфли вазиятларда тез ишлаш, ширин муомала қилиш каби шифокорларга хос малакалар тарбияланади.

Керакли жиҳоз ва материаллар: никоб, руль, машина, костюм, фуражкалар.

Фаолиятнинг бориши:

1. Мавзуга оид сюжетли расмларни кўриш
2. Ролларни тақсимлаш ва турли вазиятларни сахналаштириш.
3. Тезкор чакирув телефонларидан фойдаланиш.
4. Ўйин, муҳокама ва болаларни рағбатлантириш.

Қўшимча: ролларни алмаштириш таклифини бериш.

Эътиборга молик жиҳати: луғатни бойитиш, ижодий қобилиятни ривожлантириш; ҳаёт хавфсизлиги асослари

Фан ва табиат маркази

Оловнинг хусусиятлари – нимаси фойда, нимаси зарар?

Мақсад: болалар оловнинг айрим хусусиятлари билан танишадилар, оловдан эҳтиёт бўлиш кераклигини, олов билан ўйнаш мумкин эмаслигини тушунадилар, ҳаёт хавфсизлиги қоидаларига риоя қилиш ҳақидаги тушунчалари мустаҳкамланади.

Керакли жиҳоз ва материаллар: сув, қум, шам, гурурт, мавзуга оид расмлар.

Фаолиятнинг бориши:

1. Оловнинг хусусиятлари билан танишиш.
2. Оловнинг ўзига хос яхши ва ёмон томонлари (иссиқлик беради, овқатимиз пишади, улар ёниб кетади, одамлар қуйиб қолади.),
2. Амалий тажриба: оловни ўчириш (ёнган шамни сув ва қув ёрдамида ўчириш). (амалий иш тарбиячи раҳбарлигида олиб борилади).
3. Тажриба якунини хулосалаш.

Қўшимча: расмларда акс эттирилган ҳолатлар бўйича ўз фикрларини беришни таклиф этиш.

Эътиборга молик жиҳат: амалий тажриба ўтказиш жараёнида ҳаёт хавфсизлиги қоидаларига амал қилиш.

Санъат маркази

Тасаввур асосида лой иши

Мақсад: болалар ҳаёлларига келган образларини пластлин орқали яратишга ҳаракат қиладилар, ўзлари ёқтирган буюм, ўйинчоқ, ҳайвончалар ва бошқа нарсаларни ясашга ҳаракат қилади. Уларни нима учун яхши кўришлари ҳақида қисқача гапириб берадилар. Тоза ишлашга, тартибга ўрганидилар.

Керакли жиҳоз ва материаллар: пластилин, қўл артиш учун салфетка, турли предметлар тасвирланган расмлар.

Фаолиятнинг бориши:

1. Турли расмларни томоша қилиш.
2. Иш столига керакли жиҳозларни тайёрлаш.
3. Ҳаёлий қаҳрамонларни лойдан ясаш.
4. Болалар ишлари натижаларини муҳокама қилиш.

Қўшимча: тарбиячи болаларнинг ишларидан кўргазма тайёрлашни таклиф этади.

Эътиборга молик жиҳати: озода ва гигиеник талабларга риоя этиб ишлаш кўникмасининг ривожланиши. Ҳаёт хавфсизлиги асослари.

Санъат маркази

“Ёрдамчи машиналар”

Мақсад: болалар машина турлари ва номларини биладилар, ўзлари орзу қилган машиналарни аппликация ёрдамида ясай оладилар, ёрқин ранглари танлай оладилар, машиналарнинг инсонларга келтирадиган ёрдами ҳақида ўзаро фикр алмашадилар, қайчи билан ишлаш малакалари ошади.

Керакли жиҳоз ва материаллар: оқ ва рангли қоғоз, елим, қайчи, мўйқалам, қўл артиш учун салфетка, ёрдамчи машиналар тасвирланган расм, турли белгилар.

Фаолиятнинг бориши:

1. Ёрдамчи машиналар тасвирланган расмларни томоша қилиш.
2. Қандай ёрдамчи машинани ясашни танлаш.
3. Аппликация учун керакли жиҳозларни тайёрлаш.
4. Аппликация жараёни ва болаларни ишларини кузатиш
5. Тайёр машиналарни ясалиши бўйича муҳокама.

Қўшимча: тарбиячи болаларнинг ишларидан кўргазма тайёрлашни таклиф этади.

Эътиборга молик жиҳати: қайчи билан ишлаш кўникмасининг ривожланиши, ҳаёт хавфсизлиги асослари.

Тил, нутқ ва саводхонликка ўргатиш маркази

“Йўл ҳаракати қоидалари” серияли расмлари асосида ҳикоя тузиш.

Мақсад: болалар ҳаракат хавфсизлиги қоидаларини биладилар, билганларига қўшимча тарзда янги йўл белгиларини ўрганадилар, йўл белгиларида кўрсатилган расмлар асосида уларнинг маъносини тушунадилар.

Керакли жиҳоз ва материаллар: ҳаракат хавфсизлиги қоидаларига мос расм, йўл белгилари.

Фаолиятнинг бориши:

1. Ҳаракат хавфсизлиги қоидаларига мос расмларни томоша қилиш.
2. Расмлар асосида кичик ҳикоялар тузиш.
3. Белгиларнинг маъносини айтиш
4. “Серияли расмлар” таълимий ўйинини ўйнаш.

Қўшимча: тарбиячи болаларга ҳаракат хавфсизлигига оид мультфильм кўришни таклиф этади.

Эътиборга молик жиҳати: мустақил фикр юритиш, ижодкорлик ва мантиқий фикрлаш.